

Introduction:-

Tawihthei eng chi pawh changpat in a ei a pai tawih hnu a taksa atanga rawn chhuak dip hlarh a hi changpat lei tha kan tih ber a chu a ni. Hei lei tha hian thlai tan chaw tha tam tak a rawn keng tel nghal bawh a ni.

A that na te:

1. Thlai tan chaw tha tam tak pai a pe chhuak tu pawimawh tak
2. Kan lei ruangam chhe tawh tak siam tha tur a tan a thawk tu rinawm
3. Lei hnawn na vawng rei thei tur a hmanrua pawimawh
4. Lei rannung mit a hmuh tham loh thlai tan a chaw tha siam tu pawimawh tak tak a pai tel mai bak ah lei ah changpat nasa tak in a ti pung zel bawh a ni.

Lei tha siam nan a kan thil hman theih te:

Thlai seng na hnu kan hlui hlawn mai tur te, hnim hnah, hnah thel, in lam a hnawm hnawh thawih thei chi hrang hrang te hi hei lei tha siam nan hian a hman theih vek a.

Amaherawh chu buhpawl, derhkan, far hnah, purun sen leh purun var kawr te, sakawr ek te hi changpat in a ngaih loh avangin

hmang loh hram hram tur a ni. Thil thur lam a bik in Tomato leh ser thur te pawh hmang loh tur.

Leitha siam dan

1. **Changpat:** Hei hi lei chung lang a awm chi chiah thlan tur a ni.
2. **A hmun:** Bawng in/ ar in hlui. Heng kan sawi tak in ruak hi a awm remchang lo a nih pawh in daihlim awm na hmun remchang tui tling theih loh na a ni tur a ni mai bak ah, ruah leh ni in tlang tak a a chhun tur ven nan a chung hliap siam sak ngei ngei thin bawh tur. A Khur hi 2m x 1m x 0.75m a siam brick rem /cement a plaster leh thin tur. A hnuai lam emaw a remchang lai ah tui paih chhuah na siam tel leh nghal bawh in.
3. **Changpat mut na (Vermiculture bed):** Lei tha siam hlawhtling tur chuan he vermi bed hi a pawimawh ber awm e. Changpat tan a awm na hmun nuam, chaw duh tawh a eitur awm na, hnawng tha bawh si a ni tur a ni. Phuai, balu leh huan a lei 3cm a chhah theuh a dah in tui in nasa lutuk lo a tih hnawn leh tur.

Chu mi zawh ah changpat 100 vel dah luh a.Hemi zawh hian kan tawih theih dah luh tur ang ang te chu chan sawm a dah lut leh in, bawngkek ro leh tui chawhpawh hmang a tih hnawng leh tur. He an mut na hmun hi a ro tur a nih loh ang bawh in tui a tling khawm tham khawp a tui pek loh tur a ni. Zu va ten an ei a an luh loh nan khur hi buarra hnawng/ changel hnah a khuh leh thin tur a ni. Thla khat hnu ah a chung a kan sawi ang tho khian tawih thei kan neih ang apiang te chu khur ah dah in chu mi chuang ah chuan tui leh bawngkek chawhpawl hmang in hnawng na pek leh in, a tul dan a zir in a fimkhur tak a chawh leh tur.

A chunglam a rawn sawm dum dip hlarh tawh chuan a seng khawm theih tawh tih a rawn lang tir. He hun hi a tlangpui in ni 60-90 inkar ah a rawn lang chhuak thin. Kan seng khawm hma kar 1 ah hi chuan tui pek tawh loh tur a ni.

A seng khawm dan

1. Changpat hian thim leh hnuai lam an pan thin avang in a vum zawng a

leitha dah in an mahni in a hnuai lam
ah an lo tla khawm thin a ni

2. Chihri hmang a hrik. Heng changpat
te hi paih loh in, leitha dang siam
nan a hman zel theih a ni.

A Hman dan

- Buhl eh bal ah 5-6 t/ha;
- Chawhmeh ah 10-12 t/ha;
- Pangpar 100-200 g/sq ft;
- Thei kung tan 5-10 kg/tree



Issued by:
Krishi Vigyan Kendra (KVK)
Kolasib District
Kolasib, Mizoram

Prepared By:-
Carolyn Zothansiami
Soil Scientist
Krishi Vigyan Kendra
Kolasib District

For further information please contact
Krishi Vigyan Kendra Kolasib District
Vengthar Kolasib- 796081

**CHANGPAT
LEI THA SIAM
DAN LEH A
HMAN NA TE**